

Menyambut Kedatangan Bulan Ramādān



Rasūl Allāh ṣallā Allāhu alayhi wa sallam bersabda: “Berpuasalah kamu ketika melihatnya (anak bulan Ramādān), dan berbukalah kamu ketika melihatnya (anak bulan Shawwāl), Jika dia (anak bulan Ramādān) terlindung kepada kamu, maka sempurnalah bilangan bulan Sh‘abān tiga puluh hari”

(Oleh: Abdulla Basmeh)

Umat Islam diseluruh dunia tidak lama lagi akan menyambut kedatangan bulan Ramādān al-Mubārak - bulan yang sangat berbahagia di dalam Islam.

Pada bulan Ramādān yang mulia, umat Islam diuji oleh Allāh *Subhānahu Wa Ta‘ālā* dengan amalan puasa, yang telah difardukannya menjadi salah satu rukun dari rukun-rukun Islam. Berbahagialah orang yang menyempurnakan puasanya sebagaimana yang ditetapkan oleh shar‘a, dan kecewalah orang yang meninggalkannya dengan ketiadaan uzur.

Tujuan puasa ialah untuk mendidik tiap-tiap seorang yang berpuasa supaya bersifat taqwa – menjauhkan diri dari larangan Allāh dan taat mengerjakan suruhan-Nya.

Bulan Ramādān yang mulia ialah bulan ibadah, bulan

tadarus Qur’an dan bulan ṣadaqah dan khayrāt.

Pada bulan Ramādān inilah al-Qur’an al-Karīm mula-mula diturunkan (diwahyukan oleh Allāh ‘Azza wa Jalla dengan perantaraan malaikat Jibrīl) kepada junjungan kita Nabi Muhammad ṣalla Allāhu ‘alayhi wa sallam di tanah suci Makkah al-Mukarramah, menjadi panduan hidup manusia untuk mencapai kejayaan di dunia dan akhirat kelak.

Bulan Ramādān yang mulia sungguh indah riwayatnya dalam sejarah perjuangan dan perkembangan Islam. Untuk menyahut seruan jihad (Perang Sabīl) yang telah di fardukan oleh Allah atas umat Islam untuk membela kehormatan agamanya yang sedang diancam oleh kaum kafir musyrik, Rasulullah telah memimpin tentera Islam menentang seteru-seteru

Allah itu dan telah berjaya mencapai kemenangan yang cemerlang. Dengan itu tegaklah “kalimah Allah”(Tawhīd) dan runtuhlah angkara kufur dan syirik. Kejadian yang bersejarah ini berlaku dalam bulan Ramaḍān dan tempatnya ialah medan perang “Badar”.

Tanah Suci Makkah juga telah dapat dikuasai oleh Rasulullah dalam bulan Ramaḍān. Semenjak itu Tanah Suci Makkah telah dibersihkan dari segala berhala dan kekotoran syirik.

Dari segi kerohanian, bulan Ramaḍān juga mempunyai satu keistimewaan lagi yang tidak bertolak banding, kerana mengandungi satu malam yang maha agung dan maha berkat, malam “*laylat al-Qadr*”, yang lebih mulia dan lebih besar pahala ibadat yang dilakukan di dalamnya daripada ibadat “seribu bulan” yang dilakukan pada waktu yang lain.

Jelasnya, keagungan bulan Ramaḍān tersimpul

dalam hadith Rasulullah *ṣallā Allāhu ‘alayhi wa sallam* (maksudnya):

“Apabila masuk bulan Ramaḍān, terbukalah pintu-pintu syurga, dan tertutuplah pintu-pintu neraka, dan segala syaitan pun dirantailah dan dibelenggu lalu juruhebah menyeru pada tiap-tiap malam (katanya): “wahai orang yang sukakan kebajikan, bersegeralah kamu mengerjakannya. Dan wahai orang-orang yang gemarkan kejahatan, berhentikanlah kejahatanmu itu.”

Puasa Menurut Hukum Syarak

Puasa pada syarak ertinya: menahan diri daripada perkara-perkara yang membatalkan puasa dengan disertakan niat dari masa terbit fajar hingga tenggelam matahari. Tetapi puasa itu tidak akan sempurna pahala dan tujuannya melainkan dengan menjauhi perkara-perkara yang dilarang: seperti mengumpat,

sambungan pada muka 44

فِي حَدِيثٍ قُدْسِيٍّ عَنِ اللَّهِ عَزَّ وَجَلَّ قَالَ
كُلُّ عَمَلِ ابْنِ آدَمَ لِلَّهِ إِذَا صَامَ فَإِنَّهُ لِي
وَأَنَا أَجْزَأُ
وَقَالَ صَلَّى اللَّهُ عَلَيْنَا وَسَلَّمَ
مَنْ صَامَ رَمَضَانَ إِيمَانًا وَاجْتِسَابًا غُفِرَ لَهُ مَا تَقَدَّمَ مِنْ ذَنْبِهِ

Di dalam Hadith Qudsī, Allāh ‘Azza wa Jalla berfirman: “tiap-tiap amal anak adam adalah untuknya melainkan puasa, maka ia adalah untukku, dan aku membalas (memberi pahala) kerananya.”

Rasulullah *ṣallā Allāhu ‘alayhi wa sallam* pula bersabda “Barangsiapa berpuasa Ramaḍān, dengan kedatangannya

Beriman dan ikhlas, akan diampunkan dosanya yang telah lalu.”

Menyambut Bulan Ramaḍān

sambungan dari muka 9

Menaruh sangka jahat, mengeluarkan kata-kata yang kesat dan keji, mengejek-mengejek dan memaki hamun, menyakiti manusia dan menganiayai, menceroboh, menurut nafsu marah, memandang kepada perkara yang haram, dan lain-lainnya. Kesemua perkara-perkara yang disebutkan itu – meskipun telah sedia haram dalam masa yang lain daripada bulan puasa – tetapi akan bertambah-tambah haramnya dalam masa puasa, dan sangat besar pula dosanya.

Perkara yang seperti inilah yang telah diisyaratkan oleh Rasulullah *ṣallā Allāhu ‘alayhi wa sallam* dengan sabdanya yang bermaksud:

“Apabila telah masuk hari puasa maka janganlah seseorang kamu melakukan dosa ketika itu, dan janganlah ia mengeluarkan kata-kata yang celupar; kalau

Khusyukkah Sembahyang Tuan?

“Dalam kita sujud dalam kita meletakkan dahi di bumi, rasakanlah akan kehinaan diri bahawa tidak ada harganya” – kata Kiyai Muhammad Hasbi Ash-Shiddieqy. Kita manusia tidak ada kekuatan dan tidak ada harga, kerana itu latihlah diri supaya khusyuk di dalam sembahyang. Salah satu caranya bacalah ucapan Kiyai Muhammad Hasbi .

Sujudlah Kepada Tuhanmu!

Disusun oleh Edrus

Sebuah buku *Serial Syarahan 2* yang diterbitkan oleh Qalam. Senaskhah hanya 40 sen sahaja. Ukuran kecil.

Sesiapa memaki atau mengajak berkelahi maka berkatalah:

aku ini berpuasa

Orang yang beriman sebenar-benarnya, dialah yang bersungguh-sungguh supaya puasanya itu sempurna, dan diterima oleh Allāh Ta‘ālā. Tetapi itu tidak akan dapat dicapai melainkan setelah ia menahan diri bukan sahaja daripada perkara-perkara yang membatalkan puasa tetapi juga daripada dosa-dosa dan perkara-perkara yang haram. Tentang ini Rasulullah *ṣallā Allāhu ‘alayhi wa sallam* pernah bersabda:

“*Man lam yada ‘ qawl al-zūr, wa al- ‘amal bihi falaysa li-Allāhi ḥājatun fī an yada ‘ ta ‘āmahu wa sharābahu.*”

“Barangsiapa yang tidak meninggalkan perkataan dusta dan beramal dengannya, maka Allāh Ta‘ālā tiada berhajat kepada puasanya meninggalkan makan dan minum”

Puasa yang dikehendaki oleh syara’ ialah puasa yang dapat menanam sifat taqwa di dalam diri orang yang berpuasa itu. Puasa yang demikian tidak akan dapat mencapai tujuannya yang sebenar melainkan apabila orang yang berpuasa itu dapat menahan diri dari segala dosa dan hawa nafsu syahwat, sebagaimana ia menahan diri daripada makan, minum dan perkara-perkara yang membatalkan puasa. Puasa juga tidak dapat mencapai tujuan yang mulia, yang menjadi tujuan asalnya, melainkan apabila orang yang berpuasa itu berlaku sederhana dalam makan minumannya, dan meninggalkan perbuatan yang berlebih-lebihan.”

Jelasnya, puasa tidak akan sempurna selagi ia belum dapat menumbuhkan rasa “taqwā” pada diri orang yang berpuasa itu, sebagaimana yang tersimpul dalam firman Allāh Ta‘ālā :

“*Yā ayyuhā alladhīna āmanū kutiba ‘alaykumu al-ṣiyāma kamā kutiba ‘alā alladhīna min qablikum la‘allakum tattaqūn .*

“Hai orang-orang yang beriman diwajibkan atas kamu

puasa sebagaimana telah diwajibkan atas orang-orang yang terdahulu daripada kamu, mudah-mudahan kamu bertaqwa (menjauhkan diri dari larangan dan mengerjakan suruhannya)”

Puasa bulan Ramaḍān amat besar pahalanya dan amat besar pula kesannya pada diri orang yang mengerjakannya. Orang-orang yang berpuasa dengan sempurna sebagaimana yang dikehendaki oleh syarak telah dipuji oleh Allāh ‘Azza wa Jalla di dalam al-Qurān al-Karīm, bahkan puasa itu telah dijadikan salah satu sifat daripada sifat-sifat orang yang beriman:

“Inna al-muslimīna wa al-muslimāti, wa al-mu’minīna wa al-mu’mināti, wa al-qānitīna wa al-qānitāti, wa al-ṣādiqīna wa al-ṣādiqāti, wa al-ṣābirīna wa al-ṣābirāti, wa al-khāshī’īna wa al-khāshī’āti, wa al-mutaṣaddiqīna wa al-mutaṣaddiqāti, wa al-ṣā’imīna wa al-ṣā’imāti, wa al-ḥāfiẓīna furūjahum wa al-ḥāfiẓāti, wa al-dhākīrīna Allāha Kathīra wa al-dhākīrāti, A’adda Allāhu lahum maghfiratan wa ajran ‘azīman.”

“Sesungguhnya orang-orang lelaki yang Islam dan orang-orang perempuan yang Islam, dan orang-orang lelaki yang beriman dan orang-orang perempuan yang beriman, dan orang-orang lelaki yang taat dan orang-orang perempuan yang taat, dan orang-orang lelaki yang benar dan orang-orang perempuan yang benar, dan orang-orang lelaki yang sabar dan orang-orang perempuan yang sabar, dan orang-orang lelaki yang khusyuk dan orang-orang perempuan yang khusyuk, dan orang-orang lelaki yang bersedekah dan orang-orang perempuan yang bersedekah, dan orang-orang lelaki yang berpuasa dan orang-orang perempuan yang berpuasa, dan orang-orang lelaki yang memelihara kehormatan mereka (daripada melakukan zina) dan orang-orang perempuan memelihara kehormatan mereka (daripada melakukan zina), dan orang-orang lelaki yang menyebut-nyebut (mengingati) Allah banyak-banyak dan orang-orang perempuan yang menyebut-nyebut (mengingati) Allah banyak-banyak, Allah menyediakan bagi mereka keampunan dan pahala yang besar”

Shaykh Abdul Rahman Shibli Sarawak

Shaykh Haji di Makkah al-Mukarramah

Telegram: Shibli Mekah

(Peti surat nombor 188)

Sedia menyambut dan menjaga segala urusan saudara-saudara di Makkah, di Madinah, di Arafah dan di Mina dengan sepenuh-penuh puas hati. Tambang dan apa-apa perbelanjaan menurut apa yang ditetapkan oleh kerajaan Saudi Arabia, yang sentiasa memelihara keselamatan, kesihatan dan kesejahteraan sekalian saudara yang mengunjungi Tanah Suci, yang sedia teratur perhubungan secara moden dengan belanja yang murah. Bershaykhlah dengan Shaykh Shibli yang berdekatan dengan Masjid al-Ḥarām.

Berhubunglah dengan wakil kita:

S. AHMAD MUSTAPHA AL-EDRUS,

d/a 356/358, Geylang Road, Singapore 14.